



攔鴨個人

清朝時務臺灣三大民變，第一個起來擎旗造反个朱一貴，人喊佢「鴨母王」。傳說佢供真大陣个鴨，猶會指揮鴨做部隊。仰子朱一貴毋係供雞供鵝，嘎來供鴨呢？這即愛睭雞鵝鴨哪種頭合陣？雞若放出去滿山飛，古早事講「雞飛狗跳」。鵝鵝鵝，攔出門毋知路好轉來，得人喊做「呆頭鵝」。鴨頭合陣，攔出去毋會脫隊烏白走，歸陣排到好勢好勢，真有規矩，真有順序。作埕賞水、作埕絡食，無像雞性興啄。鴨嘛頭毋會擇食，會食穀、食蟲、魚、田螺、蚬子、青草這兜，俗語講个：「鴨嫲滌內底無隔夜蟲蟻」。尤其係菜鴨會食攔真會生卵，正經係「有食生到死，無食死毋生」。佢人實在係成過莊下人个好朋友。

四、五十年前臺灣南部有一種季節性个「游牧民族」——「攔鴨人家」。臺灣个禾，大部分係兩冬，南部屏東較熱割三回。割禾逐回攔對南部慢慢割向北部。這時務攔鴨人家即會買幾下千隻鴨么，歸屋下个兄弟、公姐大家四、五個作埕來攔鴨。打早即枷鴨攔落正割禾過个田底去撿食，田底个水芋、青蟲、禾串、穀粒、蚬子，水底个田螺、水草這兜攔係佢人頭恰意食个。攔鴨个人毋使提飼料得佢人食，佢人有頭天然个好食物在等佢。睭著佢人頭犁犁認真在尋食，有時務攔會出聲招伴來共下食、共下寮，生活到真自由又快活。攔鴨个人即按逐儕攔手擎一支長長个竹篙，寬寬子攔，著面攔著面喝「hui hui-hui」，遐鴨仔即會照棍勢慢慢子行。即按一坵田攔過一坵田。對打早攔到日頭落山。這時務，攔鴨人家早即尋好所在，鴨陣在闊茫茫个田底歇睏。

等鴨陣攔做一下睡去，這時務攔鴨人正有時間在田中央用竹笕和布帆搭一間克難个「屋」來躑。正枷米提出來煮飯，去撿一兜樵和禾稈好起火。飯煮好，捧著碗，食著飯，歸陣人著面講事，著面傍天嶮个月。尾冬時罕得落雨，毋過寒天个暗夜吹著寒入骨个風，吹過遐一排排个麻黃樹，一臨臨「咻咻咻」若像電影內底鬼魂討出來个聲，得人寒到嘟嘟顫恰驚破膽。

即按一日過一日，一夜過一夜，希望這兜鴨么會攔緊大隻，歸屋下个希望即靠這兜。希望鴨仔毋會打毋見傷多，希望野狗毋好來咬，希望這兜鴨會順順利利攔到臺北。攔較多个苦，攔較寒个天攔愛忍耐。希望歸屋下个人平平安安來過日。

作者：李秉璋

☆詞彙學習☆

【朱一貴】zhiˊ rhidˊ guiˊ：清代三大民變之一的首領。康熙年間因臺灣知府貪污，住今高雄內門的朱一貴首先造反，但旋起旋敗。

【性興啄】sinˊ hinˊ duˊ：指雞性格好鬥，時常互啄。

【鴨嫲滌】abˊ maˊ teeuˊ：鴨寮，養鴨用的小房子或草寮。

【菜鴨】coiˊ abˊ：蛋鴨。

【兩冬】liongˊ dungˊ：稻子一年兩穫，六月

的早冬和年底的尾冬，因此有兩冬。

【頭犁犁】teuˊ leˊ leˊ：頭低低的。

【寬寬子】kuanˊ kuanˊ zuˊ：緩緩的。

【闊茫茫】kuadˊ mongˊ mongˊ：寬闊無邊。在此指田園一片空曠。

【麻黃樹】maˊ bbongˊ shiˊ：木麻黃，昔日農家於田頭普遍種植做為防風林使用。

【一臨臨】rhidˊ limˊ limˊ：一陣陣。

【打毋見】daˊ mˊ gienˊ：不見、弄丟。